



SAOPŠTENJE ZA JAVNOST

Podignuto osam optužnica protiv dvanaest roditelja zbog zapuštanja djece

(Brčko, 18.08.2025. godine)

Tužilaštvo Brčko distrikta BiH podiglo je osam optužnica protiv dvanaest roditelja zbog krivičnog djela zapuštanja djece u slučaju pronalaska 31 djeteta bez roditeljskog nadzora u Brčko distrikta BiH. Osnovni sud Brčko distrikta BiH do sada potvrdio je sedam optužnica, dok se očekuje odluka suda po još jednoj podignutoj optužnici.

U dosadašnjem toku izuzetno složene i obimne istrage u vezi sa slučajem pronalaska 31 djeteta bez roditeljskog nadzora u Brčko distrikta BiH, Tužilaštvo Brčko distrikta BiH otvorilo je veći broj pojedinačnih predmeta i u osam predmeta podiglo je optužnice protiv ukupno dvanaest lica koja imaju svojstvo roditelja zbog osnovane sumnje da su izvršili krivično djelo "Zapuštanja i zlostavljanja djeteta" iz člana 216 stav 1) u vezi sa članom 31 Krivičnog zakona Brčko distrikta BiH.

Podignutim optužnicama stavlja se na teret roditeljima inicijala V.I. (50)* i H.T. (44)* da su grubo zanemarili svoje roditeljske dužnosti zbrinjavanja prema svoje sedmero djece, zatim roditeljima inicijala G.H (35)* i F.O. (26)* da su grubo zanemarili svoje roditeljske dužnosti zbrinjavanja prema svoje petero djece, zatim roditeljima inicijala S.H. (27)* i Š.O. (25)* da su grubo zanemarili svoje roditeljske dužnosti zbrinjavanja prema svoje dvoje djece, zatim roditeljima inicijala N.H. (41)* i L.Š. (37)* da su grubo zanemarili svoje roditeljske dužnosti zbrinjavanja prema svoje dvoje djece, zatim roditelju S.O. (43)* da je grubo zanemarila svoju roditeljsku dužnosti zbrinjavanja prema svoje četvero djece, zatim roditelju M.H. (20)* da je grubo zanemarila svoju roditeljsku dužnosti zbrinjavanja prema svom jednom djetetu, zatim roditelju V.H. (40)* da je grubo zanemarila svoju roditeljsku dužnosti zbrinjavanja prema svom jednom djetetu, kao i roditelju A.H. (31)* da je grubo zanemario svoju roditeljsku dužnosti zbrinjavanja prema svom jednom djetetu. Dakle, predmetnim optužnicama tereti se ukupno dvanaest roditelja da su grubo zanemarili roditeljske dužnosti zbrinjavanja za ukupno 23 djece.

U načinu izvršenja optuženim roditeljima se stavlja na teret da su tokom 2024. godine ostavili bez nadzora svoju djecu licu Z.Đ. iz Brčkog, uz naknadu od 250 do 300 EUR-a mjesečno po djetetu, znajući da lice Z.Đ. nije registrovana i osposobljena za obavljanje te djelatnosti, da ima veći broj djece koju čuva u toj kući, da ih drži u neadekvatnim prostornim uslovima, neprilagođenim njihovom uzrastu, uz nedovoljne količine hrane, bez dovoljnog broja kreveta za svako dijete, pri čemu su djeca spavala po podu i po hodniku, ograničene slobode kretanja i mogućnosti izlaska na svjež zrak i u šetnju, uz fizičko kažnjavanje za neposluš, neadekvatne higijenske uslove, te bez ljekarskih pregleda u slučaju potrebe, usljed čega je dana 25. februara 2025. godine, od strane nadležnih organa, zatečeno 31 zapušteno dijete bez roditeljskog nadzora.

Istovremeno, Tužilaštvo Brčko distrikta BiH je u toku istrage utvrdilo da za dva roditelja nema elemenata učinjenja krivičnog djela "Zapuštanja ili zlostavljanja djeteta" prema svoje dvoje djece, te shodno tome donešena je naredba o obustavi istrge protiv roditelja L.H. (22)* i H.H. (19)* i dvoje djece je vraćeno roditeljima.

Vrijedi istaknuti da je već u prvim danima po otvaranju ove vrlo složene i obimne istrage, pristupljeno utvrđivanju identiteta pronađene djece putem DNK analize, te na osnovu zaprimljenih rezultata do sada je pouzdano utvrđen identitet za 25 djece i roditeljstvo za 14 roditelja, dok za 6 djece još uvijek nije nesporno utvrđen identitet zbog nedostupnosti roditelja.

U vezi krivičnog predmeta protiv lica Z.Đ. i A.Đ. iz Brčkog, kojima je u ranijem periodu bio određen pritvor do 25. maja 2025. godine, istraga Tužilaštva Brčko distrikta BiH nalazi se u završnoj fazi i u toku naredne sedmice očekuje se podizanje optužnica.

U daljem toku postupka, Osnovni sud Brčko distrikta BiH zakazati će ročišta za izjašnjenja o krivici naprijed navedenih roditelja kao optuženih lica.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ